



« ՀՀ ԼՈՒՈՒ ՄԱՐԶԻ ՍՏԵՓԱՆԱՎԱՆԻ  
ՀԱՄԱՅՆՔԱՊԵՏԱՐԱՆԻ ԱՇԽԱՏԱԿԱԶՄ »  
ՀԱՄԱՅՆՔԱՅԻՆ ԿԱՌԱՎԱՐՉԱԿԱՆ ՀԻՄՆԱՐԿ

# ԾՐԱԳԻՐ

ՍՏԵՓԱՆԱՎԱՆ ՀԱՄԱՅՆՔԻ 2025Թ.  
ԲՆԱԿԱՆ ՄԻՋԱՎԱՅՐԻ ՊԱՀՊԱՆՄԱՆ ԵՎ ԲՆԱԿՉՈՒԹՅԱՆ  
ԱՌՈՂՋՈՒԹՅԱՆ ՎԵՐԱԿԱՆԳՆՄԱՆ

## ԲՈՎԱՆԴԱԿՈՒԹՅՈՒՆ

Համայնքի նկարագրությունը.....	3
Ծրագրի ընդհանուր նպատակը.....	5
Ծրագրի հիմնավորումը .....	6
Հավելված N 1 .....	7

## ՀԱՄԱՅՆՔԻ ՆԿԱՐԱԳՐՈՒԹՅՈՒՆԸ

### 1. Համայնքի իրավիճակի նկարագրություն

#### ՊԱՏՄԱԿԱՆ ԱՎՆԱՐԿ

Լոռվա կանաչ բարձրավանդակում՝ Ձորագետի նշանակալի կիրճի կողքին է գտնվում Ստեփանավան գողտրիկ քաղաքը, որը հաճախ անվանում են Լոռվա մարգարիտ: 1810թ.-ին Արցախի հայտնի տոհմից Դավիթ, Հասան Ջալալյանները Ղարաբաղից գալիս են Լոռի և հիմնավորվելով այստեղ՝ բնակավայրին տալիս են իրենց անունը Ջալալօղլի (Ջալալի որդի): 18-րդ դարում Ստեփանավանը սկսում է ձևավորվել որպես քաղաք, որի 4 –ամյա դպրոցում կրթություն է ստացել նաև Հովհաննես Թումանյանը (դպրոցը այժմ կոչվում է նրա անունով): 1923թ.-ին ի պատիվ Հայաստանում առաջին մարքսիստական խմբակի ղեկավար Ստեփան Շահումյանի, ով ամուսնացել էր ստեփանավանցի Եկատերինա Գրիգորյանի հետ, Ջալալօղլին կոչվեց Ստեփանավան: 1938 թ.-ից ի վեր Լոռե-Ջալալօղլի-Ստեփանավանը հանրապետական նշանակության քաղաք է: 19-րդ դարում Ստեփանավանը եղել է Լոռվա միակ քաղաքը, մտել է Թիֆլիսի նահանգի Բորչալուի գավառի մեջ: Քաղաքում տեղակայված է եղել ցարական կայազոր, գործել է հիվանդանոց, դեղատուն: Ստեփանավանը ունի մեղմ լեռնային կլիմա, թարմ ու անապակ օդ, որի շնորհիվ այն համարվել է ամենալավ ամառանոցներից մեկը Հայաստանում: Ստեփանավան քաղաքում գործել են բազմաթիվ առողջարաններ, հյուրանոցներ: Ստեփանավանը հարուստ է իր բնական գեղեցկությամբ և բազմաթիվ մշակութային հուշարձաններով:

Ստեփանավան քաղաքը զգալի տղվել է 1988-ի Սպիտակի երկրաշարժից: Հետագա տարիներին քաղաքն սկսել է վերակառուցվել, և տարածվել նաև Ձորագետի ձախ ափին:

#### ԱՇԽԱՐՀԱԳՐԱԿԱՆ ՆԿԱՐԱԳԻՐ

Ստեփանավան քաղաքը մտնում է ՀՀ Լոռու մարզի տարածաշրջանային կազմի մեջ՝ գտնվելով մարզի գրեթե երկրաչափական կենտրոնում, Ձորագետի միջին հոսանք աջ և ձախ ափերին: Ընդհանուր տարածքը 5333.6 հեկտար է, որից 1020 հա-ը կառուցապատված: Քաղաքի ընդհանուր պարագիծը 26.5 կմ է, հյուսիսից հարավ միջին լայնությունը կազմում է 6.3 կմ, իսկ արևելքից արևմուտք երկարությունը՝ 4 կմ է: Ստեփանավան քաղաքի ամբողջերկարությամբ՝ արևելքից-արևմուտք անցնում է Հայաստանը ԱՊՀ երկրների հետ կապող Երևան-Թբիլիսի միջպետական նշանակության Մ3 ավտոմայրուղին, որը համայնքի համար ունի ռազմավարական և սոցիալ –

տնտեսական նշանակություն: Ստեփանավանից սկսում են հանրապետական նշանակության 3 ճանապարհներ՝ Ստեփանավան-Ալավերդի, Ստեփանավան-Պրիվոլնոյե-Ախքյորփի և Ստեփանավան-Կաթնաղբյուր: Քաղաքը գտնվում է հանրապետության հյուսիսային մասի սեյսմոակտիվ գոտում:

### ՀԱՄԱՅՆՔԻ ԿԼԻՄԱՅԱԿԱՆ ՀԱՄԱՌՈՏ ԲՆՈՒԹԱԳԻՐԸ

Ստեփանավան քաղաքը տեղադրված է Ձորագետի հովտում, ընդարձակ սարահարթում ծովի մակարդակից 1400մ բարձրության վրա: Ունի բարեխառն չափավոր խոնավ կլիմա, տարեկան միջին ջերմաստիճանը 6,6 աստիճան է: Հունվարի միջին ջերմաստիճանը - 4,2 աստիճան է, հուլիսյանը՝ 16,7 աստիճան: Տարեկան թափվում են 683մմ մթնոլորտային տեղումներ: Ձմեռները ձյունառատ են: Շրջակայքում կան անտառներ, բնական շինանյութերի մեծ պաշարներ: Քաղաքը իր բնակլիմայական պայմաններով հանդիսանում է Հայաստանի առողջարանային բնակավայրերից մեկը:

### Բնակչության ժողովրդագրական տվյալներ(մարդ)

		Մշտական			Առկա		
		ընդամենը	այդթվում		ընդամենը	այդթվում	
			իգական	արական		իգական	արական
1	Բնակչության թվաքանակը, մարդ	19171	9351	9820	16205	7921	8284
2	տնայինտնտեսություններիթվաքանակը	5355	X	X		X	X
3	այդթվում՝ ժամանակավորկացարաններում /վագոն, տնակ/ բնակվող	182	X	X		X	X
4	Կիսակառույց տներում բնակվող	193	X	X		X	X
5	Փախստականներ				828	441	387

## ԾՐԱԳՐԻ ԸՆԴՀԱՆՈՒՐ ՆՊԱՏԱԿԸ

### Ծրագրի ընդհանուր նպատակն է բարելավել Ստեփանավան համայնքի բնական միջավայրը, նպաստել ամրապնդելու համայնքի բնակչության առողջությունը

Ծրագրի նպատակն է «Ընկերությունների կողմից վճարվող բնապահպանական վճարների նպատակային օգտագործման մասին» ՀՀ օրենքի համաձայն պետական բյուջեից, սուբվենցիաների տեսքով, Ստեփանավան համայնքին կատարվող մասհանումների գումարներով լուծել համայնքում առկա բնապահպանական և առողջապահական խնդիրները:

#### Ծրագիրը ներառում է.

1. Ստեփանավան խոշորացված համայնքի բնապահպանական և շրջակա միջավայրի պահպանության ու վերականգնման միջոցառումներ:
2. Համայնքի բնակչության առողջության պահպանմանը նպատակաուղղված միջոցառումներ, որոնց անհրաժեշտությունը պայմանավորված է հիմնականում «Սագամար» ՓԲԸ-ի գործունեությամբ:

## ԾՐԱԳՐԻ ՀԻՄՆԱՎՈՐՈՒՄԸ

### Ծրագրի հիմնախնդիրների լուծմանն ուղղված գործողություններ

Ստեփանավան խոշորացված համայնքի հիմնանորագված Չարենցի 1725 մ երկարությամբ փողոցի մայթեզրերի համար 120 հատ կեչի տեսակի 6000-8000 դրամ արժողությամբ դեկորատիվ ծառերի ձեռքբերում և տնկում(ծառերի արժեքը կախված է տնկիների բարձրությունից և սաղարթի փարթամությունից): Ծրագրի արդյունքում նախատեսված համալիր միջոցառումների իրականացումը հնարավորություն կտա ավելացնել համայնքի բուսածածկ տարածքը, պահպանել ջրային և օդային տարածքների ներկա վիճակը, կանխարգելել արտակարգ իրավիճակները, նպաստել բնակչության առողջության ամրապնդմանը, կանխարգելել շնչառական հիվանդությունների առաջացումը:

Նշված փողոցը, ինչպես նաև Ստեփանավան քաղաքի մյուս փողոցները ոռոգվում են:

### Ծրագրից ակնկալվող արդյունքները

Ծառերի տնկման արդյունքում կարտադրվի թթվածին, կնվազի օդի աղտոտվածության աստիճանը, կխլացնի աղմուկը, փողոցը կդառնա ավելի կանաչապատ, գեղեցիկ և կահավորված, բնակիչները կգրոսնեն աչք շոյող մայթերով, ծառերի ստվերները կօգնեն ամռանը զովացնել տները, իսկ ձմռանը կծառայեն որպես հողմապաշտպաններ: Այն առավելությունները, որ ունեն քաղաքային ծառերը, դրանց դարձնում է էկոհամակարգերի անբաժանելի մասը և ընդգծում են դրանց պահպանման և վերականգնման կարևորությունը:

### ԾՐԱԳՐԻ ԻՐԱԿԱՆԱՑՄԱՆ ԱՐԴՅՈՒՆՔՆԵՐԻՆ ՈՒՂՂՎԱԾ ԱՆՀՐԱԺԵՇՏ ՄԻՋՈՑԱՌՈՒՄՆԵՐԸ

Ստեփանավան խոշորացված համայնքի հիմնանորոգված Չարենցի փողոցում կտնկվի 120 հատ կեչի տեսակի դեկորատիվ ծառեր, որի արդյունքում զգալիորեն կնվազեն արտանետումները, ն կարտադրվի թթվածին, փողոցը կունենա էսթետիկ տեսք, անցորդները և փողոցի բնակիչները կգրոսնեն զով մայթերով: Ծառերը ձեռք են բերվելու 832000 ՀՀ դրամի սահմաններում, յուրաքանչյուր տնկին՝ 6000-8000 դրամի սահմաններում:

### ԾՐԱԳՐԻ ԳՆԱՀԱՏՄԱՆ ՉԱՓԱՆԻՇՆԵՐԸ

#### Ծրագրի գնահատման չափանիշ կարող է լինել՝

1. Ծառերն ապահովում են ստվեր և գոլորշիացնում խոնավությունը, որն օգնում է սառեցնել օդի ջերմաստիճանը, հատկապես քաղաքային բնակավայրերում՝ նվազեցնելով քաղաքային ջերմային կղզու ազդեցությունը::
2. Ծառի տերևները զտում են օդը՝ փակելով փոշին և այլ աղտոտիչներ և կլանելով այնպիսի վնասակար նյութեր, ինչպիսիք են ամոնիակը, ծծմբի երկօքսիդը և ազոտի օքսիդները:

3. Կանաչ տարածքները բարելավում են լանդշաֆտի գեղագիտական ընկալումը, բարենպաստ պայմաններ են ստեղծում հանգստի համար և բարելավում են հոգեկան առողջությունը:
4. Ծրագրի իրականացման ամբողջ ընթացքը կլուսաբանվի համայնքապետարանի պաշտոնական կայքում, տեղական հեռուստատեսությամբ և զանգվածային լրատվության այլ միջոցներով:

ՀԱՄԱՅՆՔԻ ՂԵԿԱՎԱՐ



ԱՐՄԵՆ ԳՐԻԳՈՐՅԱՆ

**«ՀՀ ԼՈՒՈՒ ՄԱՐԶԻ ՍՏԵՓԱՆԱՎԱՆԻ  
ՀԱՄԱՅՆՔԱՊԵՏԱՐԱՆԻ ԱՇԽԱՏԱԿԱԶՄ»  
ՀԱՄԱՅՆՔԱՅԻՆ ԿԱՌԱՎԱՐՉԱԿԱՆ ՀԻՄՆԱՐԿ**

**ԾՐԱԳԻՐՆ 1.1**

**ՍՏԵՓԱՆԱՎԱՆ ՀԱՄԱՅՆՔԻ ՀԻՄՆԱՆՈՐՈԳՎԱԾ ՉԱՐԵՆՑԻ ՓՈՂՈՑԻ  
ՄԱՅԹԵՂՐԵՐԻ ՀԱՄԱՐ ԴԵԿՈՐԱՏԻՎ ԾԱՌԵՐԻ ՁԵՌՔԲԵՐՈՒՄ**

ԲՅՈՒՋԵՏԱՅԻՆ ԾԱԽՍԵՐԻ ԳՈՐԾԱՌՆԱԿԱՆ ԴԱՍԱԿԱՐԳՄԱՆ 05 ԲԱԺԻՆ  
ԲՅՈՒՋԵՏԱՅԻՆ ԾԱԽՍԵՐԻ ԳՈՐԾԱՌՆԱԿԱՆ ԴԱՍԱԿԱՐԳՄԱՆ 6 ԽՈՒՄԲ  
ԲՅՈՒՋԵՏԱՅԻՆ ԾԱԽՍԵՐԻ ԳՈՐԾԱՌՆԱԿԱՆ ԴԱՍԱԿԱՐԳՄԱՆ 1 ԴԱՍ



**ՍՏԵՓԱՆԱԿԱՆ ՀԱՄԱՅՆՔԻ ԲՆԱԿԱՆ ՄԻՋԱԿԱՅՐԻ  
ՊԱՀՊԱՆՄԱՆ ԵՎ ԲՆԱԿՉՈՒԹՅԱՆ ԱՌՈՂՋՈՒԹՅԱՆ ՎԵՐԱԿԱՆԳՆՄԱՆ  
ԲՆԱՊԱՀՊԱՆԱԿԱՆ ԾՐԱԳՐԵՐ**

**ԾՐԱԳԻՐ – N:1.1**

**ՍՏԵՓԱՆԱԿԱՆ ՀԱՄԱՅՆՔԻ ՀԻՄՆԱՆՈՐՈԳՎԱԾ ՉԱՐԵՆՑԻ ՓՈՂՈՑԻ  
ՄԱՅԹԵՉՐԵՐԻ ՀԱՄԱՐ ԴԵԿՈՐԱՏԻՎ ԾԱՌԵՐԻ ՁԵՌՔԲԵՐՈՒՄ**

	<b>ԾՐԱԳՐԻ ԿԱՌՈՒՑՎԱԾՔԸ</b>	<b>ԱԿՆԿԱԿՈՂ ԱՐԴՅՈՒՆՔՆԵՐԻ ՉԱՓԱՆԻՇՆԵՐԸ</b>
<b>ԸՆԴՀԱՆՈՒՐ ՆՊԱՏԱԿԸ</b>	Ստեփանավան խոշորացված համայնքի հիմնանորոգված Չարենցի փողոցի մայթեզերում ծառատունկի իրականացում	Օդի աղտոտվածության նվազեցում
<b>ԱԿՆԿԱԿՈՂ ԱՐԴՅՈՒՆՔՆԵՐԸ</b>	Դեկորատիվ ծառերի տնկում	Կարտադրվի թթվածին, կնվազեն արտանետումները, կապահովվի փողոցի էսթետիկ տեսքը
<b>ԱԿՆԿԱԿՈՂ ԱՐԴՅՈՒՆՔՆԵՐԻՆ ՀԱՄԱՐ ԱՆՀՐԱՊԵՇՏ ՄԻՋՈՍՊԱՏՈՒՄՆԵՐԸ</b>	Կիրականացվի Ստեփանավան խոշորացված համայնքի հիմնանորոգված Չարենցի փողոցի մայթեզերերի համար 120 հատ կեչի տեսակի դեկորատիվ ծառերի ձեռքբերում: Ընդամենը՝ 832,000 ՀՀ դրամ	<ul style="list-style-type: none"> <li>Համայնքի Չարենցի փողոցի մայթեզերերում կտնկվեն դեկորատիվ ծառեր:</li> </ul> Աշխատանքները կավարտվեն 2025 ապրիլին